

# Usah panik, Johor bebas virus Zika

Mereka yang demam panas dinasihat segera ke klinik supaya saringan kesihatan dapat dilakukan

AZLINA OTHMAN

**KULAI** - Masyarakat di negeri ini dinasihatkan supaya tidak panik kerana Johor masih bebas daripada penularan virus Zika.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, bagaimanapun, mereka dijangkiti demam panas yang merupakan antara simptom virus itu perlu mendapatkan rawatan segera di klinik berhampiran.

"Kita minta supaya rakyat Johor tidak panik. Saya kira kebimbangan perlu diberikan kepada kes dengan berbanding virus Zika kerana virus berkenaan lebih mudah merebak kepada wanita mengandung."

"Tapi kita menasihati mereka yang mempunyai gejala virus ini diminta segera mendapatkan rawatan di klinik berhampiran untuk mencegah perkara tidak diingini," kata-nya semasa menyempurnakan Majlis

Perbarisan dan Perhimpunan Hari Kebangsaan 2016 Peringkat Daerah Kulai di Pentas Tabik Hormat Jalan Persiaran Putri Utama, Taman Putri, di sini, semalam.

Hadir sama Pegawai Daerah, Md Za'hal Misran.

Mengenai pemeriksaan secara ketat di pintu masuk negara ke sekitar Johor Bahru, Ayub berkata, langkah itu tidak mampu dilakukan oleh Jabatan Kesihatan negeri berikutan kekuatan tenaga dan aliran trafik yang tinggi setiap hari.

"Setiap hari antara 200,000 hingga 300,000 pengunjung yang memasuki negara kita dari Singapura dan jumlah itu mencapai 71 juta setiap tahun."

"Namun, diharap operasi saringan kesihatan yang dijalankan di pintu utama yang memasuki negara ini dapat membantu mengatasi penularan wabak Zika, meskipun pemeriksaan secara lebih ketat tidak mampu kita lakukan," katanya.



Ayub menerima tabik hormat daripada Kontinjen Ibu Pejabat Polis Daerah (IPD) Kulai.

Kelmarin, jumlah kes membabitkan penyebaran virus Zika di Singapura kini melonjak kepada 82 kes.

Kementerian Kesihatan dan Agensi Alam Sekitar Kebangsaan negara itu mengesahkan terdapat pertambahan 26 kes penyebaran ter-

baru berbanding 56 sebelum ini yang kebanyakannya berlaku di kawasan pinggir bandar Aljunied, timur Singapura.